

**UNTUK SIARAN SEGERA**

**KENYATAAN MEDIA**

**SWM KASIH CERIAKAN ANAK-ANAK BUDIMAS ORION**

---

**SEREMBAN, 18 DISEMBER 2020 – SWM Environment Sdn. Bhd. (SWM Environment)** melalui entiti tanggungjawab sosial korporatnya, SWM Kasih, menceriaikan 29 orang anak-anak yatim piatu di Pusat Jagaan Kebajikan Kanak-kanak Budimas Orion hari ini dengan menyampaikan sumbangan sempena sambutan perayaan Hari Natal.

“Sumbangan berupa barang-barang keperluan harian diberikan kepada anak-anak yatim piatu di Pusat Jagaan Kebajikan Kanak-Kanak Budimas Orion dengan harapan dapat membawa kegembiraan kepada mereka walaupun terpaksa menyambut perayaan pada tahun ini dalam keadaan wabak COVID-19 yang sedang melanda negara kini,” kata Pengurus Besar Korporat, SWM Environment, Tuan Haji Mohd Norlisam Bin Haji Mohd Nordin.

Tambah beliau lagi, SWM Environment sentiasa peka dan prihatin dengan keperluan komuniti setempat dengan tampil menghulurkan bantuan terutamanya ketika musim perayaan yang bakal menjelang tidak lama lagi.

Selain itu, unit 3R Troopers turut mendidik anak-anak yang berusia di antara 4 tahun hingga 17 tahun di pusat jagaan tersebut untuk melaksanakan amalan kitar semula melalui program KITAREcycle. Pusat jagaan tersebut boleh mendapat mata ganjaran apabila melaksanakan kitar semula dan mata ganjaran yang diperolehi boleh ditukarkan kepada bentuk wang tunai melalui pemindahan terus ke akaun dana pusat jagaan.

Pihak syarikat percaya, dengan menerapkan pendidikan dari kecil untuk menjadikan amalan kitar semula sebagai sebahagian daripada amalan gaya hidup terkini dapat mewujudkan generasi yang peka terhadap kesedaran penjagaan alam sekitar yang lestari dan mampan.

Orang ramai yang berminat untuk menyertai program KITAREcycle boleh melayari laman web [www.kitarecycle.com](http://www.kitarecycle.com) dan mendaftar terus secara percuma.

**- TAMAT -**

## FAKTA

### SWM ENVIRONMENT SDN. BHD.

SWM Environment Sdn. Bhd. (SWM Environment) telah dilantik pada tahun 1995 di bawah perjanjian konsesi di bawah Akta Pengurusan Sisa Pepejal dan Pembersihan Awam Negara 2007, yang bertanggungjawab terhadap pengurusan sisa pepejal dan pembersihan awam di Johor, Melaka dan Negeri Sembilan.

SWM Environment mempunyai tenaga kerja seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: [www.swmenvironment.com](http://www.swmenvironment.com).

Dalam usaha mengurangkan sisa janaan ke tapak pelupusan sampah, SWM Environment secara aktif memberi sokongan padu kepada Kementerian Perumahan dan Kerajaan Tempatan (KPKT) dalam mempromosikan program-program alam sekitar yang berimpak tinggi seperti Pengasingan Sisa Di Punca (SAS), kitar semula dan pengomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjaran, KITAREcycle di tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan terima mata ganjaran untuk 25 jenis barangan kitar semula termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle dari *Google Play*. Sila layari laman web: [www.kitarecycle.com](http://www.kitarecycle.com) untuk mendapatkan maklumat lanjut.

Untuk keterangan lanjut, sila hubungi :

**Puan Nurul Liza Binti Mohd Najib**

Penolong Pengurus, Jabatan Komunikasi Korporat & Hal Ehwal Kerajaan  
SWM Environment Sdn. Bhd.

(Tel) 06-6014280/ 012-684 7168

(Emel) [nurulliza.najib@swmsb.com](mailto:nurulliza.najib@swmsb.com)